

أنا والشعر

أنادي الشعر بحروفه

يقوم يجري ويتأقل

وأنا صابر

أقول يمكن يطاو عني

ولا يعصاش

ألاقي الشعر ف عنيكي

يبصلي ويرميلي

حروف من حلو اشعارك

الملم ف الحروف يمكن

اخاف تمشي ماتستناش

واقوم اتوضي من بحرہ

وادعيه ف كل صلاة

واقول يمكن يقابلني مايكسفناش

أنادي عليه وانا ميت ف يحييني

دا أنا من غيره راح يمكن

يبيعوني ف سوق العشق

كدا ببلاش

ولو سابني وكان ضدي

وانا راهب ومتوضي

ف يبقي باع وخان عهدي

ولا استناش

ف اقرر إني اموت واقف

وأدخل قبري وانا شايف

لكل الناس

واقدم شكوي للملكين

هجرني الشعر وتركني

وانا باروي عطش روحي

بدمع العين

برغم إني أنا عاصي لكن شاري

وفارش عمري ف محرابه

وواقف فوق عتب بابيه

بين الحراس

وانا حاسس هنتقابل

انا والشعر من تاني

عشان الشعر

دوا روي

وهو الشافي لجروي

وطول عمري عامله مداس

فيحضني ويرفعني أطيّر وياه

ومهما يكون بعيد عني

هلف عليه ف كل الكون

وهستاه